

BAKURUBASANNI


(nimoro 12 songo)

Malikone = Dōrōmē 300

Afiriki kono = Dōrōmē 600

Jamana were = Dōrōmē 1000

Utukalo san 2000



Kunnafonisében bota kalo o kalo. BP: 24 Telefoni : 21-21-04. Bozola Bamako-Mali. San 28nan boko 343nan A songo : dōrōmē 15

Semudete wariko sègesègeliében sèben dira jamana némogó ma.

Alamisadon, utikalo tile 17, san 2000, jamana némogó Alifa Umaru KONARE ye togodaw yiriwali ministri Amédé Eli Madani JALO ni Semudete némogoba Bakari TARAWELE bisimila. Ministri Eli Madani JALO tun taara Semudete ka sèben di jamana némogó ma, sèben min be wari labaaracogo fesfeselen jaabiwi kofé.

Kumaw bolila Semudete lahalaya kan, i n'a fo sèben y'a jira cogo min na, baara taabolo ni wari labaaracogo, san 1999 desanburukalo tile 31 waati la; ani san 2000 /2001 sannifeere nata konew, K'a sababu ke kooriko joyoro ye jamana ka sòrow siratige la, ani gelya min be senna nin waati in na Semudete la, jamana némogó Alifa seginna ministri némogó Mande SIDIBE ka hakilinaw kan, Semudete wariko sègesègeliében sèben minécogo la. Mande SIDIBE tun y'a jira depitew la, goferenaman ka taabolo nèfoli senfe, politikiko siratige la, ko sègesègeliében in ka kan ka don da min fe, ka bo da min fe, k'a be ke ten.

Jamana némogó y'a nini goferenaman fe, kerékerénneny la, a ka cogoya bee lajelen ke ka sègesègeliében in ka wale kofolenw bee nèjnini konuman, ji némajolen na, ka jotigi jo, ka jalakiti jalaki, ka sòro ka fèrèw tige minnu be kooriko nafa, n'a bonna n'a karama segin a ma. Ay'a nini fana o walew bee lajelen ka ke jelenya kono.

O kofé, Alifa Umaru KONARE y'a nini koorisénénaw fe, ani Semudete némogow n'a baarakelaw bee lajelen, ka fara Semudete baaraké nögónw kan, u bee ka je k'u fanga ke kelen ye, walasa ka gelya in ban pewu, ka kooriko ke jamanadenw ka hadamadenya sabatilan ye, kerékerénneny la togodalamogow.

Badama Dukure

Semudete ka wariko sègesègeliében

Dijé seleke naani ciyakéda min ka baara yewarilabaaracogo nèjnini konuman ye, ka wari donda n'a boda bee sègesège k'u sidon, n'o ye «Kabine Eriniti Eyongu» ye, o ka sègesègeliében y'a jira ko Semudete ciyakéda yèrè konona na, minenw sancogo n'u feerecogo siratige la. San 1999, desanburukalo minen maralenw jate ma ke «kabine» in

sementiya ko desanburukalo tile 31, san 1999, sefawari miliyari 15 ni miliyon kème seegin juru be ciyakéda la, wusuruko siratige la.

O kofé, sègesègeliében kelen ninnu labanna k'a jira ko juru yèlenna Semudete la wari labaarabolo dòkan, n'o ye «Awansi fibiri» ye, fo ka se sefawari miliyari 7 ma; nka Semudete yèrè ka jatesebenw y'a jira ko bolo



Jateminelaw y'a jira ko ninan koori sòrota te salon ta tilance bo

baarakelaw nena, k'a sababu ke wele bilala ciyakéda in ma san 2000 konona de la. O koso, Semudete ka wari labaaracogo cejugu y'u bali k'u hakilina fo san 1999 desanburukalo minenw kan, minnu maralen tun don magasanw kono, k'a sabati ko marakun jònjon tun be minenw na, Semudete yèrè jjidili kadara kono. San 1999, desanburukalo tile 31 waatila, magansankonominenwwari tun be ben sefawari miliyari 82 ni k'o ma. Sègesègeliélaw y'a jira ko san 2000 zuluyekalo konona na, Semudete ye sèben dò soro min y'a

kelen in na, ciyakéda halala nafolo be ben sefawari miliyari 2 ni miliyon kononton ma. Sefawari miliyari 4 danfara be wari kofolenw ni nögón ce; o danfara sòrocogo n'e ma dòn.

Semudete be minenw san minnu fe, olu y'a jira ko Semudete ye dankar'u ka nafolo la ni sefawari miliyari 2 ni miliyon kème 7 hake ye, k'a sababu ke Bila, Kita, Kenparana ani Welesebugu kooriwurusi izini kura naani joli baaraw dabilali ye.

A jirala fana ko baarakelaw ka juru talenw ye wo min bila ciyakéda ka

Né fôlo to

nafoloko la, o bë se sefawari miliyari 1 ni miliyon këmë fila ma.

Osisatigé kelen inna, duguyiriwatonw «AW» ka juru talen hake bë ben sefawari miliyari 1 ni miliyon këmë naani ma; o kongé ma sëgesëgë Semudete fë, k'a don wari hake min bë duguyiriwaton kelen na.

Kolosili bolila baarakelaw ka hakew kan, u ni minnu ka kan sëgennafijebô kònôna na.

San 1999, desanburukalo tile 31 waati la, o wari tun bë ben sefawari miliyon 396 ma. Nka ne ma d'o wari kan.

Sëgeségelisëbenw ye Semudete ka warimugu yere labaaracogo fësëfësë. Ayer'o senfe ko san 1999, zulyekalo tile 20, sefawari miliyari 27 ma labaara konuman. O miliyari 27 tun soro la

waribonw ka sira fë. Jamana kono waribonw ta tun ye sefawari miliyari 28 ni miliyon këmë duuru ye; kokan waribonw ka bolen tun ye sefawari miliyari 51 ye.

Semudete ka warimugu n'a ka juru minnu jateminenâ ka bën ni san 2000 awirilikalo tile 30 ye, n'u tun ma sara, olu benna sefawari miliyari 111 ma. Ciakeda mago ka kan ka se wari hake min ma nin waati in na, fô ka t'a bila setanburukalo tile 30 la, san 2000, o bë ben sefawari miliyari 57 ma. Min ye baarakelaw ka sarako fanfela ye, a kolosira ko sara këto, sëbenba minnu b'a sementiya ko baarakelaw b'u ka baaradaw la, o sëbenbaw te laje. O la, baarakela bë se ka wari do soro, ka soro a m'obaara ke. Minnu bë baara la kudayi Semudete la, olu t'u bolonw bila

sarasebenw na. O cogoya kelen na, baarakelaw ni wari minnu ka kan waatiségnafijebô ni badaalafijebô senfe, o wari te bil'a bilayorô la, i'n'a fô sariya b'a nini cogo min na.

A jirala fana ko sanniseben jelenw te magasankonominenw na, n'o ye «sitoku» ye; sëben kunkurunninw doron de bë dilan ka jira ko nin fenw sanna, ani sanniseben jebilaw, n'o ye «porofòrimaw» ye. Nin wale bë ke sababu ye ka do yelen magasankonofénw songow kan, i'n'a fô birokònominenw ni masinminenw. Nin bëe kofe, a yera ko sëgesegëli kerenkerennen si ma deli ka ke ka nesin Semudete ka wari marayorow ma, Bamako, ani mara tòw kono.

Gawusu Hayidara
Badama Dukure



CENTRE AGRO-ENTREPRISE

Lamerikenw ka demékékuluba min togo ko «US-AID», o ka soro jiidili baara feëre bolodalen siratige la, a ye lajeba do laben Jono, san 2000, zuwenkalo tile 29, malosene lajeni sifileli kama ni maloworô mansin mankanw sigili ye Segu Ofisi Di Nizeri mara kono. «US-AID» ye seriusi min dilan naniya talen in tiimeli konuman hukumu kono o togo ko : «Sénéfenw bayélémal ciyakédaba», n'o ye «CAE» ye.

Maloseneko jatemine kelen ko Ofisi mara kono, a jirala ko malo mana kan, geleya dòw b'a labaariali konuman na, feëre jenama ka kan ka nini minnu latemeni na. O geleyaba dò ye maloworôko ye, feëre numanw ka kan ka nini min këcogo la malosenenaw fë, walasa Ofisi malo ka se ka don da la.

«Sénéfenw bayélémal ciyakédaba» «CAE» sigir'o de kama. Kuntiennaba min bë «CAE» la, o ye malo kannen bayélémal mansinw sinsinni ye soro cayali n'a jenê sira kan. O sifileli kadara kono, maloworô mansin ni malowolomalan mansin 4 sigira Jono dugu damado kono, n'o ye Kilometri 26 ni Kilometri 30 Seriwalla ni Siyengo ni Nango N3 ye.

Sifileligintanw sankorotara ni Goferenaman ka delege (ciden) Mari JARA ni Ofisi kuntigiba Nankoma KEYITA ni «US-AID» ka ciden yamaruyalen Oroze BULUMU ni «CAE» yere némogô Anderewu LANBERI yeli y'a kene kan, ka fara malosenenaw ni uwiriyew ni jagokela këmë nogonna kan. Mari JARA ye foli nitanuni lase «CAE» ma, a ka naniya numan in sababu la. A y'a nini malosenenaw ni uwiriyew fë u k'u sekobëe ke ka somogosama soro nin baara numan na. A ka k'unafalan ye. Ofisi kuntigiba fana

y'o kuma kelen sonji la. An dembagaw yere n'o ye «US-AID» ni «CAE» ye, olu ka ciden kerenkerennenw ye dugawu ke malosenenaw ye, Ala k'a to mansin kura ninnu k'u nafa, k'u bolo meen a baara la. Ala k'a k'u ka sinijesi nogoyali sira wagabolan ye.

Sifileli hukumu kono, jajira do kera maloko kan Ofisi kono. O filimu bë caman fo maloko geleyaw kan Ofisi Di Nizeri kuntigiba yere ka seereyaw kono, malosenenaw n'a bayélémagagaw ni jagokelaw ye minnu sementiya.

Jama taar'a nedé malobayéléma izini dòw kan, minnu bë malo suguya 3 laben, n'olu ye «ELB» ye ani malo jenê mankan ni misenman. Mogo welelehew y'u ne daamu bo malo wörölen jemân pasi-pasi kan, nogô kise kelen te minna, «Kilo biduuru bôrew» kono, a sebenen don minnu kan ko : «Delita malo doolo ma». U sera k'o malow ye sifileli dugu naani kofolenw kelen-kelen bëe la.

A dögolen te mogosi la ko malo numan b'a dunbagaw sama i ko tasuma ni koori jamana kono an'a kokan, bawo bamananw b'a fo ko : ne te kogoma na don, nk'a be tuluma na don». Ni maloworô mansin kura ninnu sera ka sira soro malosenenaw ni uwiriyew bayélémagagaw bëe ka nafaba b'o de la, bawo a bëna ke sababu ye ka Faso soro yiriwa ani k'a jiidi.

Baara in te fén minnu kô, o ye feëre kuraw waleyali ye malogosi ni maloworô ni malojogo n'a labaariali la iziniw na k'a ke bore numanw kono. Ofisi malo jenê semejiri y'o fén damadaw de ye.

«CAE» sago ye malosenenaw bololabila ye baara in na. Sifileli don gintanw kuncera ni hakilifalen ye «CAE» kuntigi n'a dembagaw ni malosenenaw ni uwiriyew bayélémalaw ni jagokelaw ni jogon ce.

«CAE» kuntigi y'a jira k'ale sago ye malosenenaw ni bayélémagagaw ka yere laben baara ye, walasa u yere ka se ka feëre soro u ka sénéfenw donnalalal la. A y'a kanu o siratige la, u k'u jigi da u yere folo kan (n'o y'u yere tralala nafolo ye), bawo kokan deme te ko labanta ye; fén min don, a be jo don do. «CAE» kuntigi y'a jira k'ale yere laben don k'u deme juruw soro li demékékuluw fë, nka o ka soro daliluya kénema b'u ka juruta sebenw kono, i'n'a fo jigidalanw n'u jogonnaw.

Sifileli kuntaala bëna kalo saba ta. Jaabi minnu mana bo a kono, o na se ka ke lajini kisemaw ye malosenenaw n'u baarakenogonw ka nafa sira kan.

ANC.

Ofisi ye feëre soro malo numan soroli la



Semudete ka miliyon dakabanahalakili

Ni mögo min tun b'a nin'i ka d'a la ko tiñe yere la, nafolo be fusuku forobabaarakelaw fe, i tun ka kan ka soro kiiritige kerenkerennnew kene kan, taratadon, utikalo tile 8, san 2000. Faso ka hakew ninisariyatigiw ni Abu Berete tun be nögön na, ani Buguni ni Kucala Semudete nemogödamadö. Sariyatigelaw nemogöba Sanzana Kulubali n'a demebaga fila Rawuli N. Sangare ni Madamu Ba Aminata B. Ture, an'u körösigi naani ye lere tan ni saba de ke wale in fesefeli la, min y'a jira ko tiñe lakika la, faso nafolo be tiñe. Faso ka hakew ninisariyatigi tun ye Mamadu Jöpu ye.

Segesegeliw wolola Abu Berete mineli la, siga kelen tun be mögo min na, k'a ye sefawari 122.265.520 dun Buguni Semudete la, ka sefawari miliyon 177 dun Kucala Semudete la. A jirala ko Abu Berete ka kan ka faga; a ka kan ka sefawari miliyon 167 sara, ani kerenkerennenya la sefawari miliyon 5, min b'a ka walejugu in nofa. Sariya ma Abu Berete ni tòw bugo ni bere kelen ye. A sabatira ko Fakoro Tangara fana no tun b'a kow la, nka sariya y'a mago to, k'a jir'a k'a kankaka san naani ke kasol la. Ale tun ye san naani ke ka ban, sabu u be kasol la kabini san 1996. O la, ale bilala. Fakoro Tangara tunyelakolikaramogöye Buguni cemancelakoli la, nka, a tun be to ka kerefbaaraw ke ka fara lakolikaramogoya kan. Bee b'a wele ko «Körösi». Min ye Mariki Danbeleni Musitafa Keyita ye, olu bilala arabadon, utikalo tile 9, san 2000. Sariya y'a jira k'olu no te wari in dunnina. Sariya tigecogo ye döwnisondiya; nka Abu Berete somögöw y'u ka

dusukasi jira. Mögo minnu te sariyakow nedon kosebe, olu dabali bannen tora ten.

Bokera nin ko kalama san 1995-1996 sannifeere waati la. Nka sebenw y'a jira ko kene in daminenä kabini san 1993. Fesefeseliw tun y'a jira ko fiñe be Kucala Semudete juruw saracogo la; sabukemesarada la, 60 tun sarala, ka soro koren, o waati kelen na, saralentun be se 98 ma, kemesarada la. Semudete ka segesegelikelaw y'a jira ko sefawari miliyon kemë wo be Buguni Semudete nemaa Abu Berete ko; o m'a bali, kalo damado, wo in yelen kofe, Abu Berete ka ke Kucala Semudete nemogöye.

Baaraw latemetö nonabila ma, a tun wajibiyalen don Abu Berete ka wo in datugu. Cogoya fila be wo datuguli la : I be wari tununnen hake bil'a no na; walima i be na ni sebenw ye, minnu b'a sabati k'o wari hake in donna seriwusi ka siraw fe. Filanan ye Abu Berete kun minne. O la, a y'a nin'i Mariki Danbele fe, o ka sebenw laben minnu b'a jira ko baarada mago sera fen minnu ma, olu songo be be sefawari 73.675.810 ma. Wo in ye waati tun y'a soro Mariki Danbele ye Buguni Semudete «sekiteri» nemogöye. Mariki Danbele y'a ka nemogö Abu Berete ka lanini b'a sira fe nin cogo la. Abu ko n'a sera Kucala, a be Mariki ka wariko nenabo. A y'o layidu b'a sira fe.

Abu Berete ye Mariki wele ka na Kucala, ka sefawari 73.675.810 kofolen in d'ama, ka labankasefawari 76.325.190 were d'a ma k'o be di Buguni Semudete warikonenabola ma, n'o ye Musitafa Keyita ye. O la,

Mariki Danbele ni wari hake min bora Kucala ka taa Buguni, o tun ka ca ni sefawari miliyon 150 ye. San 1995, zuluyekalo la, Semudete nemogöyasoba y'a kolosikosenekelaw ka waribon «BNDA» wari talen do ma bil'a noña. Abu Berete nininkara; walasa ka wo in bari Abu ye seben fu döw laben Kucala «BNDA» la. A y'a terike Fakoro Tangara, «Körösi» wele ka na Kucala; o nana ni sannisebenw ye, «Seyidu Dunbiya ka baaradaw «sebennen don minnu kan. Fakoroni Abu y'u jija ka Semudete ka sannisebenw labo «BNDA» la, ka Seyidu Dunbiya ka baaradaw sannisebenw bil'u noña. O kelen, banki ye sefawari miliyon 177 labo Fakoro togo la, ka laban ka wari in bee d'a yere ma, sabu a tun y'a jira k'ale ye «Seyidu Dunbiya ka baaradaw» ka ciden ye. Walasa sebenw ka ke lakikaw ye, Abu Berete y'a nin'a ka mara nemogöw fe, u k'a fo duguyiriwatönw mögöw ye, u bee k'u bolonobila Semudete ka seben damadöwla, senekelaw ka nininifewn be minnu kan, koorisene siratige la. Semudete k'o sebenw bee tara k'olu di «Seyidu Dunbiya ka baaradaw» ka ciden ma, n'o ye Fakoro Tangara ye. Nka ko donana bala Fakorola; miliyon 150 ye wariye ye. Abu ni Kucala «BNDA» nemogö tun y'o miliyon 150 ke ka wo were datugu Yoroso fan fe; sabu u tun ye wari do ta Yoroso ka koribaaraw nafolo dilen na, k'o fana ke ka Abu Berete ka wo do bari Buguni Semudete la. Sefawari miliyon 177 la, Fakoro Tangara ye min soro banki la, ka n'o di Abu ma, o ma teme sefawari miliyon 27 kan.  ne 4

Nin wale in na, fən caman bə yen minnu tora dibi la, k'a sababu ke kucala «BNDA» nəməgo Umaru Male maye kiiri in kene kan. Munna Umaru Male dara Fakoro Tangara ka səben labennenw na? O ne ma don! Kiiri folo min kera Kucala, o y'a jira ko Kucala «BNDA» nəməgo Umaru Male sen fosi te wari in dunniko la.

Tuma min na wale in kebaga si kənətə ma se ka don, a kololo bəe labanna ka bin kotigi yere kan, n'o ye Abu Berete ye; a yere ka kumaw n'a ka surunadonbaga Abuduli Wahabu Berete ka timinandiya ma se k'o bali. Mariki Danbele, Musitafa Keyita ani Fakoro Tangara y'u yəremakasili min ke, k'a jira k'ujelendon, okera sababu ye ka kiiritigelaw dusu faga.

Mogo fila folow ye Abu Berete deme k'a ka wari dunnenw wow datugu, ka tila ka meen ka sor'u ma don. Min ye Fakoro Tangara ye, n'ale y'a yere diyagoya ke Səmudete ka jagobatigi doye, Ala n'a ka səbenni nanbaralenw sababu la, o ye Abu Berete deme ka wariw labo banki la, nəgo kan.

Bee y'a yere nini nin kiiri in na. Ode ye Abu Berete ka ko geleya, k'a coron ka t'a fe. Səmudete ka surunadonbagaw, Abu Jara ni Seyidu Idirisa Mayiga ma se k'a sabati k'u bee no don. Ala ni nəgənsəcəman fe, kiiri in tigeli waati fanga ma se k'a to məgəkelen ka wari dunnen hake lakika don. Bee konibora min kalama, ni siga t'o la, o ye nañolo caman manamana latijenicogo ye Səmudete ciyakeda la. Məgəw b'u tulonke miliyon tan yirikaw la, cogoya min ka d'u ye, i'n'a fədərəməkelen ni tanwn' u nəgənnaw. Si ka sira t'a la.

M. N. Tarawele
Badama Dukure

Bolono bilala Farafinna jekulu sigili səbenba la



Bulonba kelen k'a ka yamaraya di, o ma meen Peresidant Alifa y'a bolono bila farafinna jekulu sariyasebenba la

Malima toko don si, Farafinna kunko kene kan. Nin kuma be sabati don o don ka t'a fe. A wale do kera sisan, n'o ye bolono bilali ye səbenba la, min be «OUA» bayelemali kofo, k'a ke farajogonkan jekulu lakika ye, ni farafinjamana nəməgəw ka yamaruya ye kosa in na Lome dugu kənə, Togojamana kan.

An ka jamana bulonba ye laje kerənkerənnen də ke, k'a ka yamaruya di ko baara ka ke ni sariya nəniyalen ye, min be bolono bilali kofo farafinna jekulu sigili sariyasebenba la. Depite 120 tun b'a kene kan. Bee lajelen da bənna kelen, ma ni nisondiya ni farifoni ni wasa ye. Nin wale in nəgon ma deli ka ke bulonba kənəfolo; gəleya si ma y'a ko la. Kabini Mali ni jamana wərew cə konew nənabə minisiriso ka ciden tilala kərəfəw nəfoli la, tegərew warawarala nəgənyeso kənə. Segesegeliw ani səsəliw tun kun te tugun. Tegewuliw kuma folinibolonow bilali sariyaseben in na bulonba nəməgo Ali Nuhun JALONisekereteri folo Asaridi Agi Inbarikawani fe, olu si ma kərəya si ye.

Nin wale in kera sababu ye butonba ka laseli do ke, ka foli ni tanuni, ani walenumandən bila ka taa farafinjamaw nəməgo folow ma, minnu ye faso kanu, ka farafinna bo bolo la, ka kelenya tənba. «OUA» sigi. Depite y'a jira laseli in kənə ko «OUA» yekunkorota sərəkəne caman kan, i'n'a fo jamanaw boli jonya juru la, ani jamanaw ni nəgon cə kəlew lasali ni sigikafə ni kələsiliw ye; dəw kera ni dijə seleke naani tənba

«ONU» ka deme ye; o tən in ma ye dəw kene kan.

Nka nin kunkorota walew m'a bali f a r a f i n n a jamanadenw fanba ka to səgen ni makariko la, don o don, ka t'a fe. Laseli in bolila kəle ka məgo coololenw kan, ani kənə banbali yoro dəw la, ka fara bana dagalenw kan ani

kalanbaliya. Ninnu bəe lajelen be dankari jamanadenw ka hadamadenya la, don o don.

Bulonba y'a jira ko ni farafinna jekulu in nimayara ka teme «OUA» kan, a be ke sababu ye ka here lase farafinden kelen-kelen bəe ma. Depite y'a jira ko farafinna bulonba sigili ni məgəw sendonni jekulu baaraw la, minnu te politikiməgəw ye, o walew y'olu nisondiya kosebə. O kəfe, u k'u be jekulu in sigili janiyatabaabawfokosebə, sabu u hakili tora farafinna jamanadenw nikarikow la, sanko hadamaden danbe lakanani, ani bəsya sabatili farafinna kənə, n'o ye «demokarasi» ye.

Nka bulonba y'a jira ko k'a damine jekulu in sigili nəniya jirali la. Siriti nəgənye senfe, fo ka n'a bila sariyasebenba yere labennina, koma ke folonisariyawfolin'u səbenni te; k'a sorə don o don, məgo kəmə yirikaw be ka sa dancekokeləw la, dance minnu diyagoya sigira marabaajuguw fe; ko nine man kan ka k'o yərə in ko de!

O la, bulonba y'a nini ko jekulu in labaarabolow bəe ka sigi senkan a waati la. Kom y'oluta fanye, u bəna jamanadenw kunnafoñi kosebə, walasa Mali la, bəe ka jekulu in joycə faamu a ka hadamadenya sabatili baaraw la, an'a yere ka kəta, jekulu ka laniniw na. Depite ka nin laje kerənkerənnen in kera jumadon, utikalo tile 11, san 2000. O jumadon kelen bəe peresidan Alifa Umaru KONARE y'a bolono bila sariyasebenba in na.

Salimu Togola
Badama Dukure

Abeliwərə fulaw n'a belaw ce balawu

Jumadon, zuluyekalo tile 21, san 2000, dugukolokokélé dōwulila Abeliwərə fulaw n'a belaw ce, ñōnō mara la, min kera sababu ye ka mögo kelen bōne a ni na, ka mögo segin jogin.

A dun jirala ko kabini san 1958, n'o ye wərə in sigili san ye Abeli Kulubali fe, fōka n'a bila masiba in don na, fosi tun tē mögo ninnu ce bēn kō. San 1958, Abeli Kulubali n'a ka denbaya wulila ka bō Sabali, ka na sigi Jande dugu kerefe. Sigiyorō in tōgo dara Abeli yere la, ko Abeliwərə; a ni Janbe ce ye kilometere saba ye. Nka, Ala ni ja banbali ni nodunkonow ka tijenew sababu, ka fara ji donbaliya kan maloforow kōnō, abeliwerekaw y'u ka sigida bila.

San damado temenén, Abeli Kulubali balimaden dō, Afuru Kulubali y'a nini ka na sig'a mansaw ka dugu kolo kan. O kera sababu ye bēla caman ka bō Jande dugu kōnō, ka na sigiyorō nini Afuru Kulubali fe. Janbe ni Abeliwərə ce ye kilometere saba ye. Fulaw jenna ni belaw sigili ye. Nin siya fila bēe y'u nesin sene ma. Taalen nēfē, belaw nana bugun, k'u ka forow dōgoya u la. O la, u ka nēmōgo y'a nini jatigiw fe, u ka yorō dōw d'u ma ka

fara forow kan. Belaw ma jaabi sōro o lajnini na; o kera sababu ye ka sigi yooboyaba dōonin, Fō ñōnō kiiriso ye sigikafé ke, ka bēn don u ni nōgon ce ka ko latemé fanga ka bolo kan, n'o ye dugukolo tigi ye, Ofisi di Nizeri ka sira fe. Benbaliya in nēfōra fulaw ni belaw bōduguw fana ye, Sabali ni Janbe. Dugu fila ninnu kunnafonini kera sababu ye ka bēnkan do sigi senkan, ka bēe ka senekeyorō jira, ka taari fila di belaw ma, u k'o ke baganw temesira ye, ka laban ka metere biduuru dance bila maloforow ni belaw sigiyorō ce. Okofe, sariya y'a jira ko foro kuraw labenni baaraw ka jo. Benkan kelen in ye jekulu do sigi senkan kōne in nēnaboli kama o jekulu mögōw ye tan ni fila ye; a mögōw ye Ofisi ka mara nēmōgo wye, Jabali méri, n'o ye dugu ninnu ka arōndisiman ye, ani fuladuguw ni beladuguw ka nēmōgo; dugutigi kelen-kelen bēe ni mögo faamuyalen kelen b'a la. Jekulu in yamaruyara ka fura nini gelya in na ka da ko nacogo kan, jekulu tun b'a fe ka yorōw suman, ka bēe ka yorō dantigé, k'a tila ka ne, walasa mankan ka ban pewu.

Nka, olabenw furance kōnō fulaw temena

niforokuraw labenniye, belaw ne bosolen nēna. Belaw dun ka ca ni fulaw ye sige saba. Belaw kōrōtora, ka kangari gelēda jekulu mögōw ye. Jekulu y'a teliya ka forow hake dōn, ka duw jate dōn mēriso la, ka fēn bēe nēnabōka bēn ni zuwenkalo ye.

Jekulu in ye nōgonye naani ke, walasa ka kow sigi bolo kelen kan; nka fulaw ma y'o sikēnē kan. Okōson, jumadon, zuluyekalo tile 21, san 2000 jekulu mögōw wulila ka fulaw sēgerē, u sigiyorō la, walasa k'u lafaamuya, ka jir'u la k'u ni jekulu ka kan ka sigikafé ke, ka bēn sabati u ni belaw ni nōgon ce. A kera fulaw ka denmisēn w kōnō ko jekulu nakun ye yorōw tilali ye; u ye kēlefari da. Tuma min na jekulu mögōw y'a jira k'u bē t'u ne da belaw ka yorō kan, ko bēe tijenā. Mögōkōrōba saba minnu tun sugandira ka taa denmisēn w n'u hakili jira nōgon na, denmisēn w y'olu kēnē, ka dankari jekulu la. Jabali sōrōdasi minnu tun bē kēne kan cidenw lakanani kama, olu fana y'u yere nini. U karilen nōgon na, mögo kelen sara; ka mögo segin jogin.

Sōrōdasi kelen ni jekulu mögo kelen bē mögō segin ninnu na. Kōne bē ñōnō kiiriso la.

Amagireyi Ogobara Dolo
Badama Dukure

Zanké y'an bila nēnafinjugu la



Zanké

Hadamadenya la togo dō bē ja mögo kun fo k'i denkunditogo tunun, o de kera togoroko Lanseni KULUBALI ta ye, min tulonketogo tun ye Zanké ye.

I te Zanké togo fo mögo si ye Mali kōnō, n'o tigi m'a kōnō miné yele fe, bawo a b'a hakilijigin Lanseni KULUBALI ka yelekofen dō la arajo wali telewison wali kōteba kēne kan.

Zanké tun ye mögo ye, min yenjēna dōron bē mögōw layelé k'a sōro a ma fēn bō a da fōlo. O temenén kō, kōtebō ni tiyatiri sira kan, Zanké tun b'i ladege fo k'i fil'i yere ma. Lanseni KULUBALI y'a ka mandiya ni togodiyā n'a ka sangawuli sōro nōn cogō de la Mali tonkun naani bēe la.

Zanké ye san 24 jijalen ke kōteba ni tiyatiribō la, o kō k'an janfa san 2000, zuluyekalo tile 24. Zanké n'a ka nisondiya taar'i da. Zanké n'a ka mögoladege taara tijeso.

Bamananw b'a fo ko «Saya bē mögo dun, nk'a t'i togo dun». Lanseni KULUBALI, n'a togoroko togo tun ye Zanké ye, a faatura nk'a maban, bawo a togo sēbenna sanu dabaji la Mali kōteba taariku kōnō. San baa yirika nīnan kō, an da bē se Zanké ka yeleko barow ma.

Lanseni KULUBALI, n'a bē wele Zanké, a bōra Si dugu kōnō, San mara la ka na don Mali tiyatiribō jekulu la san 1976. Ala yere de ye Zanké dilan tiyatiri kama.

Mali furankeninw ni farikolojēnajekow ni sekō ni dōnkow minisiri min tun ye Alifa Umaru KONARE ye owaati, oye Lanseni KULUBALI togo sēben jamana sekō ni

dōnko kalansoba la, walasa a ka se ka do far'a ka dōnniya kan tiyatiribō hukumu kōnō.

O kunkorotaseben sōrōlen Zanké fe, a yera tiyatiribō kēne caman kan, i n'a fo : Buranmusojugu, Buguneri ani Wari, fo ka na se politikimögōw ka nanbarato walew ladege li tiyatiri ma, min ye «Ferekeñagamibugu ye, n'o n'a kōrō bē nōgon na, san 1990.

Lanseni KULUBALI nan'a ye tuma min na ko nafa bēre te forobabaara la, bawo ab'ale ka nētaa nagasi, Zanké yefangaso baara bila, k'i jōn'a yere ye. Ola, Lanseni ni Usumani So ni Ginba ni Misheli Sangare y'u bila u «fila-ni-dēbē» la Mali tiyatiri dawula bonyani sira kan. U ye yelema don «Wari» tiyatiri la san 1992, ka «Wulu fatō» dilan san 1995 ani «Patōrōn si bē» san 1999.

Nka Zanké ma dan tiyatiribō ni kōtebō dōron ma.

Fangaso ciyakēdabaw ni jamana magobatigw y'a nin'a fe, a k'u ka fēn w manku tu ke tilewison na. A ka yeleko togo Zanké bor'o de la min ni Lasidan ka kumaw bē fo nōgon kōsanga ni waati bēe, bawo o yesorōdasikorō kuncilen ye, a bē siran min ne i ko nēne.

Basiriki TURE

Mali dugumakalansow kalanw damineni

Dugumakalansow, kalanw damineni setanburukalo tile 15 la, oben na nigeleya caman ye kalandenw ni kalandensomogow yoro, kerengkerennenya la, cikela kunda ani faamabaarakela kunda.

Cikeyorow kalanden kuraw fara
korolenw kan ninnu bee be geleya soro
kalan damine na.

Sətanburukalo tile 15 b'a soro sanji ma tige. Denmisennin caman n'u ka kalanso ce ka jan. Don caman sanji b'u bugə kosebe sira kan. U be bə sanfinbaw ani sanfiyebaw koro. Don caman u be kojii tige ka taa u ka kalansow la; nka sann'u ka jigin u be t'a soro o kow falen don hali mögököroba te se ka t'u tige. O de la don caman u te se so joona, bawo u b'u jo fo kojii ka jigin. Don dəw yere, kalanden dəw be si dugu were la diyagoya la k'a sababu ke kofoli ni sanjiko ani sanfiyeko. Don dəw fana be ke kalanden caman te se ka taa kalankeyoro, hali n'a ka d'u ye, bawo sanji be se k'u bali ka taa; kofali fana be se k'u bali ka taa.

Min ye kalandensomogo cikelaw ye, olufana be geleyaba soro. Setanburukalo tile 15 in be ben waati gelenba ma cikela bolo. A b'a soro denmisenniw ka kalankeminenw bee sanni se te denmasaw ye. Bawo a waati in be da kalo min kan, n'o ye utikalo ye, o ye kalo ye min konona geleya barika ka bon kojugu, i n'a fo suman kuraw ma se korolenw bannen don. A b'a soro n'i ye cikelaw sigi keme o keme, minnu be seka wariko magobä ne o te teme mugan ni naani (24%) kan. O de koson denmisennin caman te don kalan na, k'a da denfaw ka sentanya kan.

I be t'a soro du caman ka balo deselen
don, n'a fôra ko i ka baloko donni ni
kalanwuli donniw bee ta nogonfe, e m'a
don k'o ka gelén. Mogo min te se ka doni
kelen ta, n'i ye fila kofo o ye, a fo o te
iauwlikaman ye ? O la, n'b'a jini faamaw
fe, ko minnu be ke waati minnu na kabini
san caman, n'o mana ni geloya ye, u
k'olu t'u waati koro la.

Jininkali ka nesin, Mali
dugumakalanso minisiri ma, mun na
kalanwuli bora a waati koro la ?

Dirisa Bakari JARA
Animateri Diyo-Buwatubugu Kati fe.

Senna ntola kunnafoni

San ba kelen filanan min temenen file nin ye, ntolatanna ḥana min, ni sanga ḥogon ma sor'a la, o kera pele ye. A denkundi tōgo ko : Edison Arantesi Do Na Simanto.

Jon ye Pele ye ?

Pele bangera Tres Korakos Berezili jamana kono, sibiri okutoburukalo tile 26 don san 1940. Pele wolo fa togó ko Edého. Pele y'a ka ntola fólo tan Berezili fe san 1956 la. A y'a ka kuru fólo (bi fólo) don san 56 setanburukalo tile 7 don. O san kelen in kono, Pele ye kuru (bi) 40 de don a yere togola. A ka antereneri fólo togó ko: Waldemar De Brito. Ale de yentolatan duloki nimoro 10 nan di Pele ma. Pele ye kupudimondisoro sijé 3 (san 1958, san 1962, ani san 1970) Pele y'a ka kura 1000nan don san 1969 nowanburukalo tile 19 don. Pele ye kuru 1285 de don san 21 kono, jamana 65 ntola kenev kan. Pele y'a ka ntolatan laban ke san 1977 okutoburukalo tile 1er don, o kera Giants Stadium kene kan. O don, a ye sanga 45 fólo tan Kosisosi ekipu fe; ka sanga 45 laban tan santosi de Sawopclo fe. O don, Pele ye kuru (bi) 1 de don. O don Pele keto k'a ka duloli nimoro 10nan boli laban ke, a min fo o file nin ye : « N hakili la ne Pele togó te na silatunun ntolatan keneban si kan ». Pele ye kuru 3 don sijen 13, ka kuru 6 don sijen 31 ka kuru 8 don sijen 1.

Kabini a ye ntolatan jo, a ka ekipu koron'o ye Kosisosi ye mogosi ma son ka duloki nmoro 10nan don.

Djé ntolatan kiritigelaw ye Pele de Sugandi k'a ke san bakelen filanan ntolatan na bee ka fólo ye; sanga nogon

Burama Sidibe ka bo Sirakorola
Kulukoro mara la

**Tile kura bora
coribugukaw ye**

Anw nisondiyara; an ye here soro; an ye fangaw bee la fangaba soro. Bamananw b'a fo ntalen na ko dugu be se ka sigi balontanya kan, nk'a te se ka sigi jintanya kan. An ye fangaba soro, sabu an ye ji soro.

Jintanya tun ye Cəribugu səgən kosebə.
Ji tun te soro kələnw kono; i tun be se ka
muso tan ni duuru dan kələnda kelen na;
hali dəw tun te joyorə soro. An be don min
na, i ko bi, jiko nəgoyara kosebə. Orobine
donna Cəribugu yan, san 2000 in kono;

orobine ye duuru ye; a ji saniyaleen don kosebe; bana fosi te sor'a fe.

Ninwale sera ka ke, Ala ni Alimanjamana
ka porozé dō sababu, porozé min
nesinnen don jiminta laseli ma yorow la,
ji ma laboli ke yoro minnu na.
Togodalamogow be se ka ji saniyalen
sor'u bolokoro cogoya min na. Mogow o,
baganwo, bee taalan ye jiminta saniyalen
ye. Dugu jintan ye tomon ye, sabu a
mogow be saya ni balo furance la.

Gonba Tarawele
Doribuguni
Ceribugu komini - Kolokani

Maraseginso ker'anw bolo kɔnɔganko ye

«Desantaralizason» ker'anw bolo, i n'a fo n'i ye suruku kalifa baw la; baw ka here si t'o la. Maraseginso in ma fosi las'anw ma, fo degun. Negeso wjneti kelen, sefawari kem'e saba, ka' soro komandanw ka waati la, döröme kem'e dörön tun don.

Moto ta, keme segin; o tun ye keme naani ye. Wotoro seben ye sefawari keme wolonwula ye, ka soro hali dorome kelen tun te sara wotoro la.

Woloseben tun be dilan biwooro; sisani, o kera keme ni mugan ye. Maraseginso ker'anw bolo kɔnɔnafilikoye. Ni ma son k'i ka bolifén min sèben ta, ni polisiw y'i miné, fo n'i y'a t'u bolo ! Sabu negeso kelen be se sefawari keme wooro ma, n'a minena polisiw fe. Wa, hali tilegan fe, u be negeso miné, ko fariko b'a la.

Pate Boli Danbanna - Kita

Baji be caya ninan

Ne ka kolosili bolila bajiko kan. Ne ka jate la, ninan, baji bëna bonya, sabu ninan, 2000, joliba ye nali damine mëkalo tile 15; ka soro san tow la, baji te na joona. K'a ta san 1995, fo ka n'a bila san 2000 la, baji ma deli ka nali damine nin waati la.

San dow la, baji be donni damine utikalo tile 15, walim'a tile 20. O tuma, mogo minnu sigilen don yero sumalenw na, u k'u yere kolosi ninan. Salon, baji yetjeni minnu ke, u barika bonyana kosebe. Ala k'an kisi !

Yaya Mariko
Kalabankoro Bamako

Kominiw səbenw ka k'ān ka kanw na

Zuluyekalo tile 29 y'a soro Memisala, Gona, Konona, Damela, an'u laminiw bée tilala danni na. Sanji nacogo tun ka ni; nka dugu ninnu si kelen ma kōri dan. Ne b'a nini Mali gofərenaman fe, balikukalank ka don jamana sebenkow la, i n'a fo kominiko min daminele file, o baaraw bée ka k'ān ka kanw na. Hali jamana sariyasebenba, n'o ye «konsitisiyon» ye, okabayelma jamana kanw na.

O kofe, n be nin nininkaliw ke «kibaru» kalanbagaw la. Mogo folo-folo jumen ye sebenni ke bamanankan na, Mali kōno. A tigi tōgo n'a jamu; a san; a don.

Lasina Sangare
Memisala Kinan.

Kominé maloforotigiw bée coronna

Anw ye malosenlaw ye. Nka, an be don min na, i ko bi, maloko ma sabati, bawo maloforow kōrōla; u te ne. O temenen ko, jisongo cayara. Taari kelen, sefawari 3.100, ka soro taari kelen dōw malo te teme bōre 6 kan; dōw bōre 5.

An b'a nini faamaw fe, u ka do bo jisongo la, n'o te senekelaw segenna. Wa Kominé kono bi, maloforotigi bée coronnen don.

Mamutu Koyita
Balikukalankaramogo
Kominé - Joro mara

Kεnεbakaw haminankow sanuboko la

Anw ka dugukolo tilala ka sō'an t'a kalama; o ma ke baasiye. Min kera baasi ye, o file : An benbaw ni an mōkew n'an faw ye yōrō minnu saraka ni hadamaden ni fēn wērew ye, k'u ke sanuboyorōw ye; ka n'o yōrōw di mōgo wērew ma, an ma son o ma, ka d'a kan sanu te ye yōrō si la nibaaranokōrōw te. Oy'anwbidenw nesigi ye mōgokōrōbaw fe. Gofərenaman ta y'anw ye, nka, anw fana ta y'an ka dugukolo ye.

O temenen kofe, an ka dugukolo be ka baara; a tōnō t'anw ta ye; a tōnō fana ka dōgo jamanadenw kan, sabu, sanubo yamaruya dilen don minnu ma, olu ye dunanw ye; sanumayorōw segesegelibaaw, olu ye dunanw ye;

poroze min b'a baara, o ye dunan ye; baarakedenw fana ye dunanw ye. Sira te ! kurant te ! O nafa jumen be jamana kan ? A yōrōw be laban ka sinsan ni giriyaiziw ye, k'ān te don u kōno ! O te k'ān wéyan Kεnεba ! Min kera Sajola, anw te sōn o ma abada ! An niyōrō min b'an ka jamana dugukolo la, o ka nεf'an ye, an k'olamen. Nin bée kofe, ne be nininkali min kε, o ye nin ye : Kayi mara be Mali fe wa, walima Kayi mara te Mali fe ? Ne ka jaabi file : Ohon, Kayimara be Malife ! Nka, marayorōtōw ni Bamakō mago te Kayi mara la ! Mun na ?

Izini minnu be Bamabō, olu tōnō be Bamakō yen. Izini minnu be Segu, olu tōnō be Segu yen. Izini minnu be Kulukōrō, olufana tōnō be Kulukōrō. Nka, izini minnu be Kayi mara la, n'olu ye Sajola, Manantali, tonot'olula, anw bolo. Kεnεba yere de ta ka jugu n'a bēs ye. Sira te kurant te ! Anw de ye jōnmajōn ye Mali kōno. An b'a fe ka ban jonya ma. Jidōn o, sodon o, yēredon nōgōn te.

An y'a nīn'an ka mōgōw fe, u ka dugukolo sebenfura ta, n'o te dugukolo bēna bōs'u la. O la, mōgōw ye sebenfura caman ta, ka se fo binaani ni segin ma k'a sababu ke, anw kεnεbakaw ka dugukoloko te tulonko ye. Dugukolo bē d'an ka mōgōw ma, kerenkerenneny la, an ka yōrōw dugukolo de bē di.

An kan te yōrōw ma, minnu ma saraka, ni sanu te sōro yen. N'o ko ma b'a sira fe, o tuma, anw ma bējefangako faamu. Ko bē k'i yere dilan kominiko tile in na; anw b'an yere dilan cogo di k'ān ka dugukolo to mōgo wērew bolo ? Haketo bē nin kan, n'an donna mōgo min gasi la.

Saganti Sisoko
Damansennaw ka konseye folo
Kεnεba mara la.

Jamana fila ce sira man kan ka tijé

Haminanko min b'an sibikaw la bi, o ye sirabako ye; sira min be bō Bamakō ka taa Lagine, n'a be Sibi ceci. A forā sijé caman ko sira in bēna labēn ka mana bōn a kan, n'o ye gudōrōn ye; a kuma be fo; a te ke. Anw kōni m'a dōnsirako in balannen don kun min na. Gofərenaman ka kan k'a laje., n'o te, jamana ni jamana ce, sira man kan ka ke nin cogo la tan. N ka foli be Kankan ni Jelibaninkaw bēs ye.

Faranto Koman Keyita
Kulukōrōni - Negela

Sugu kōlōsili kera baara numan ye

Anw ka komini sigilen ye baara dōboloda, min kera sababu ye ka Cōribugu sugu lafiya kosebe. U ye jēkulū dō sigi senkan min be sugu kolosi walasa kasaara kana se ka k'a kōno.

Ola, nēgeso, moto, mōbili, ninnu si te boli ka don sugu kōno. O kera sababu ye ka kasaara nōgoya kosebe. An bē mēri fo, n'o ye Fuseni Jara ye, n'a be wele ko Maawo Jara.

Gōnba TARAWELE
Dōribuguni - Cōribugu.

Magasan joli ye dugu lafiya

An ka dugu denmisēn wye baara nēnamaba ke nīnan, n'o ye magasanba dō joli ye. Magasan in jōra dugu nōgōw, posoniw ni misidabaw marali kama. A joli ye dugumōgōw lafiya, ka yōrōjantaamā dabila.

Dugu nēmōgōw, denmisēn wye, AWE nēmōgōw, ani animateri wye bē tōnō be magasan in joli kēne kan. Cēmisēn wōrō ni wotorow ye ka birikiw doni; npogotigw ta kera ji donini ye ka ke bōgo la.

Baara in kera bonya ni hērē, ani karama kōno. N bē foli ke ka lase dugu denmisēn bēs ma, k'a nīn'u fe, u k'u jija k'u bolo di nōgōn ma ka dugu baara, walasa dugu ka nētaa be sabati.

Siyaka Taraweles
Animateri
Diyo-Bamabugu-Kati

Binkannikēlaw y'an segen

Geleya min b'an kan sisan, o y'an ni Kati furance taama ye, k'o sababu ke binkannikēlaw ye. U bē juru da mototigw ni nēgesotigw ne, k'u bin k'u jogin, ka sōro k'u ka bolifēn wta k'u digi; halii mōgo tu taafan dōn.

Nin wale kelen be ka Kati ni Janegebugu ce taama geleya. Wa binkannikēla dōw be sōrōdasifiniw don k'u ke dōnbaalafiliw ye.

Nci Kulubali
Sēnēke la.
Janegebugu Kati.

OFISI DI NIZERI KA LAADALATONSIGI

Jumadon, zuluyekalo tile 28, san 2000, Ofisi di Nizeri ka laadalatonsigi baaraw kuncera ciyakeda yere ka noggonyesoba kono, Segu dugu kono. San 1999 sannifeere sebenba fesefeseli y'a jira ko san daminena ni geleyaw ye; nka Ala ni senekelaw n'u ka nemogow ka kodon ni cesiri sababu la, ofisi ni goferenaman jigi dalentun besoro hakeminkan, jekabaara hukumu kono, ofisi ka fanfela la, teme ker'o hake kan. O jekabaara b'a damine san 1999 la ka t'a bila san 2001 la. Wale tiimeli sebenba in y'a jira ko malo toni 312.000 sorola taari 55.000 kan; o kore ye ko toni 6 sorola taari kelen-kelen bee la; o kofe jigiw dalen tun don soro minnu kan, kemesarada la, bikonoton ni naani kera sababa ye (94%). A jirala ko ofisi senekelaw ye nakosene far'uboloda la; san kelen kono, o kera sababu ye ka sefawarimiliyari 12lase ofisi mara mogow ma. U ye taari 496 dan kaba la, k'o sifile; toni 1.339 sorol'la. U ye bakene minnu kerenkeren jegemara karma, jeg'e toni baa 38 ani ko sorol'olu la. Senekelaw ye baganmarayoro kura 571 sigi sen kan; bagannogo toni 65.975 sorol'olu kono. Nka, a kolosira ko sisan baganmaracogo ni bolonaaniforow te noggontaanajogon ye, n'u wele nansarkan na ko «perimetri irige». Ko fo ne ka nini baganmara ni malosene keli la noggon kerefe, ka soro tineni ma b'a la. Nin bee kofe, taari 121 bee kera jiriw ye minnu denw be dun, walima n'u nafa were be se hadamaden ni sigida ma.

Min ye jiko sabatili baaraw ye, kemesarada la, faamaw ye 96 ni ko ke o baara la; Ofisi ye 98 ke a niyoro la; senekelaw y'u jo n'a to 41 ye.

Goferenaman ye taari 30.000 minnu labenni boloda jamana kono, k'a ta san 1998 la, ka t'a bila san 2002 la, ofisi niyoro y'olu la taari 17.000 ye. San 1999 - 2000 sannifeere tun ye musaka daw kerenkerentaari koro 640 lakurayalikama, ani ka taari kura 2050 laben. Jamana ka baara bolodalenw hukumu kono, ofisi y'a nesin kenyereyew sigili ma ofisi cikedaw la, an'u sendonni dugukolo labenni na, ka fara ofisi ni kominiw ce konewkan, ani dugukolokokelaw, ani ofisi ka zoni bee lajelen labenni feerew. Tonsigi in da sera nodunkonow keleli baaraw ma, hali n'o wajibiyalente ofisi kan, ani goferenaman

ka jekabaara kono na; u da sera jilabaganin fana keleli ma, n'o ye «zasenti» ye, ani musow joyoro jamana yiriwali la, ani senekelaw ka jekuluw demeli ni laadilikanw ye. U ma nne malowromansin kuraw nali ko ofisi kono, mansin minnu be malo woro, ka laban k'a kisew bo noggon na.

A jirala ko jatemine la do bee ofisi ka bolo kan sisan, n'o ye ma'a faamuyalenba ye nafoloko n'enaboli siratige la, Nikola kowaheyi. A ye san 1997 ni san 1998 warikow bee fesefese, k'o sebenw da kene kan, ka fara san 2000 jatemine kan, fo ka se zuwenkalo tile 30 ma. Jate

minnu kera ka n'a bila san 1998 desanburukalo tile 31 la, olu ye wari bee lajelen ke sefawari 47.771 854 ye, ka tono sorolen jira. Tonsigi in y'a nini ko ka jurusarabaliw n'u hakiliw jira noggon na, k'u lafaamuya kosebe. A jirala fana ko ka nimoro sigi foro kelen-kelen bee kan. Ofisi nemogoba Nankoman Keyita y'a ka nisondiya jira jateminela in nali la Ofisi ciyakeda la, ani goferenaman ka cesiri la ofisi senekeyorow labenni na.

Ka kontonsigi in ne, nemogow ni jekabaara konew kolosilibaaw taar'u ne da ofisi ka senekeyorow kan. O kera sababu ye bee k'a donjilabaganin keleli be malosene law ni kan cogoya min na.

Amagireyi Ogobara Dolo
Badama Dukure.

San 2000 zuluyekalo sanjiko lahalaya

Fine sumalen fanga bonnana kosebe jamana kono, zuluyekalo in na. Nka tile tan laban kono, sanjiko fisayara doonin, jamana fan bee fe. K'a damine zuluyekalo tile folo la, ka n'a bil'a tile 10 na, sanjikodese kera yoro caman na; daw ta juguyara kosebe. Tile tan filanan kono, sanjikodese kera Gavo, Honbori, Moti, Kayi, Buguni ani Sikaso; o yoro daw la, a juguyara kosebe. Sanji desera doonin Kidali, Nara ani Mahina. Jamana fan tow la, sanji nana, a nacogo la; a kera danteme ye fan daw la.

Sanji minnu nana zuluyekalo tile tan laban kono, olukera sababu ye ka jamana fan tan ni naani bee sanjiko lahalaya fisaya kosebe. Sanji ye laboli ke.

N'i ye zuluyekalo bee ta, a be se ka fo ko sanjikodese kera kosebe Gavo, Kayi, Kucala; a desera doonin Moti, San, Mahina, Kita, ani Sikaso. Fan tow la, sanji nan'a nacogola, fok'a ke damateme ye yoro daw la. N'i ye ninan zuluyekalo ni salon ta sanjiko da noggon koro, i b'a soro ninan ta ye salon ta soro fo ka tem'a kan yoro fanba la.

Min ye sanji nacogo yeli ye senefenw taacogo la, a be se ka fo ko k'a damine mekalo tile folo la, san 2000, ka t'a bil'a zuluyekalo tile 31 na, sanji nacogo nena, fo k'a ke damateme ye jamana fan bee fe, n'a bora Mahina, Kita, Kucala ani Bamako la, minnu ka sanjiko fineyara doonin ka fara Gavo kan. A jirala ko Gavo sigida la, n'i ye sanji nacogo numan kemejateme, sanjidese be se 45 ma. K'a ta mekalo tile folo la, ka n'a bila zuluyekalo tile 31 na, ninan sanji bidden cayara ni salon ta ye, walima u bee kera

kelen ye, fan bee fe, fo n'a kera Honbori, Gavo, Menaka ani Bamako yoro ye. Nin sanji nacogo in kera sababu ye ka danni sumaya yoro caman na; yoro daw la, sumanw danni sumaya sera kalokelen ma, i n'a fo Kucala yoro.

Jateminew y'a jira, zuluyekalo tile 31 waati la, ko sumanw ni forow cogoya ka ni. O siratige kelen na, sigi kelen don n'a ye ko sanjiko te kotige utikalo kono na; kosan 2000 uti ni setanburu kalow sanjiw be se hake ma, fo ka hake yere teme. Nka, a jirala fana ko utikalo la, sanjiko be sumaya doonin jamana tilebinyanfan fe. Sanji nataw ni sanji nalenw ka kan ka sumanw labo utikalo kono, jamana senekeyorow bee la.

Bajiko kunnafoniw

Mali jiko ciyakeda y'an ladonniya ko k'a ta san 2000, utikalo tile 5 la ka t'a bil'a tile 11 na, bajiw bee donna ka t'a fe, n'a bora Faleme la Gurubasi ani Bafin na Bafin Makana yoro la.

A jirala ko ba minnu ji donna kosebe ni tow bee ye, o ye Bani ye Duna yoro la ani Sankarani Selenge babili sanfela la, ka fara Bakoyi kan. Waliya fan fe. An ladonniyara ko Selenge berasi ji jiginna doonin. San 2000, utikalo tile 11, bajiw hake cayara ni salon ta ye Bajoliba kan fo n'a bora Bani na Duna fan fe. Senegali babolo jiw hake dogoyara ni salon ta ye. Ninan bajiw hake ka doko ni san hake bere bennen lakodonnen yen'a bora Bani na Duna fan fe.

An ladonniyara ko bajiw bena don ka t'a fe. Min ye Sotiba babili ye, Bamako, ji y'o datugu k'a ban.

Sennakolon diine njuguw ka kiiri tigera

Hakilijigin na, san 1998, utikalotile 2, walaha waati, sennakolon diine mogo 7 njogonna donna Joyila dugu kiiritigeso kuntigi Umaru BA ka du kono, k'u b'a fe k'a kumajogonya fen gelen do kan. Nka Umaru Ba ma son ka baro ke n'u ye, bawo a y'a jir'u la, k'ale ka so t'o baro suguya keyoro ye.

Oyoro la, uy'u fili kiiritigeso kuntigi kan

ni panmurubaw ye. U y'a gosi, ka farikolo yoro bee tige - tige fo ka ta kirin yoro min na, k'a bo k'a bin a ka kolonda la. U sorola k'a to lase, k'a bone a ni na.

Sennakolon diine mogonijugu minnu minena ka n'u bila Bamako kasobonba la, olu de ka kiiritige kera, san 2000, zulyekalo tile 24 Bamako tiribinaliba la.

Kiiri tun ka kan ka boli

diine in manton minnu kan, oye Abudu DUNBIYA ni Abudulayi JAKITE n'u ka diine nemogo Sheki Ibarahima Kalilu KANUTE ye.

Sennakolon diine mantonw ye mogo jumenwye? Uka diine yediine suguya jumen ye?

Sennakolon diine min mantonw ye Joyila kiiritigeso nemogoba Umaru BA bone a ni na, diine don, an ye min ko men a be san 10 ni ko bo. An b'u ye Kati, Bamako, Segu ani Mali dugu caman siraw kan. An b'u n'u ka togoroko finiw ye. Ni Joyila jahadi tun ma ke, k'a kasaara juguya nin cogo la, malidenw tun ta don ko sennakolon diine ye farati diine ani siranya diine ye. Malidenw tun ta don k'u be yele mogo minnu na, u n'u kono ta be njogon na. Sennakolon diine nemogo ye Sheki Ibarahima Kalilu KANUTE ye. A yere ka foli la, ale ye Ala ka ciden de ye ka mogow bila sira numan kan diineko la. Ajirala ko Katika don, aye diine manton folow ka jekulu sigi dugu in kono, san 1980 waati la. Sennakolon diine mogo welelen Sheki Ibarahima Kalilu KANUTE dalen don a yere la cogo min

na, o te doonin ye. A kafa kojugu y'a nini a ka mantonw fe, u ka fangaso kele, ale yere b'o min waley a ka don o don kewalew la. Ay'a jira ko Ala n'a Kira y'olu lafasabagaw ye u ka kow bee la.

An be don min na, i ko bi, sennakolon diine mantonw jenseinen don Kati ni Kobili ni Fana ni Buquni ni Masina ni

mogo saba, n'o ye Isubilen ni Abubakari JAKITE ni Abudu DUNBIYA ye, olu de taara don Umaru BA ka du kono san 1998, utikalotile 2, walaha waati, k'u mago b'a la, u b'a fe k'a ye.

U y'a y'a ka sagasiriyoro la, a be ka dumuni di a ka baganw ma, a n'a ka baarakeden Baje TARAWELE.



Bila ni Segu ni Joyila ni Kalabugu ni San ni yoro caman wrew la.

Diine in batobagaw be nenini ni tonnkon kumaw ni sinikan caman fo jamana fangaso ma. U sigira yoro minnu na, u n'olu dugulenw bee bilala njogon na, k'a d'u ka diine cogoyaw n'u yere hakilinataw kan.

Ajirala ko sennakolon diine mogow ye Joyila kiiritigeso kuntigi Umaru BA faga k'a sababu bo fen minnu na, o ye u ka mantonw Umaru SIDIBE ni Bame SIDIBE ni Mamadu SAMAKE ni Basidiki JALO mineni ye, k'u don kasol la, bawo u ye sariya soso, ka fangaso dogoya, ka fara u ka kele banbaluw kan.

U y'a nini kiiritigeso fe, o k'a laje ka Basidiki JALO labila, bawo o tun ye banabaato ye min si tun be san 80 njogonna bo. Umaru BA ma son ka jaabi d'u ma o ko la fo ka na Basidiki JALO faatu kasobon na. Diine kuntigi Sheki Ibarahima Kalilu KANUTE de y'o jalaki bin Joyila kiiritigeso kuntigi kan, ka tila k'a ka mantonw kono suguri o kama. Tile damado, cekoroba salen kofe, sennakolon diine

Sennakolon diine mantonw y'u jesin Umaru BA ma o yoro la. U ka ciden k'a ma, k'u nana u ka diine manton minenenw ka kiiritigeyoro la. O temenen ko, u b'a nininka mun kelen koson, a sonna ka cekoroba sije san 90 don kasol la fo k'o bone a ni na. Umaru BA y'a dayele yoro min na, sennakolon diine mogow y'a ni dije fara ni panmurubaw ye. Baje TARAWELE ye kule damine fo ka joyilakaw bee lawuli, k'u jo u sen kan. Joyila

sandaramaw ni garidiw ni donsow ni sorodasikorow y'u laben k'u nogen. U kunn'u la k'u sebe jogin, ka soro ka na n'u ye Joyila sandaramaso la. Sennakolon diine mogominencaman sata bor'u jogindaw la fo k'a to to Abudu DUNBIYA ni Abubakari JAKITE ye.

Bamako kiiritigesoba la, Sheki Ibarahima Kalilu KANUTE ma son ka jo a la abada, k'ale de y'a ka diine mantonw su ka ke kiiritigela Umaru BA kan, k'a faga.

A n'a jenogon minenenw si ma jo u ka walejugu la. O tun ye benkan y'u ni njogon ce. Awoka minnu yesennakolon diine mogow lafasa, olu y'a jira faamaw la, k'u tun tu yere kalama, waati min na u sera Umaru BA ma. Olu ka foli la, fa de y'u bil'a la.

Seereya bee y'a jira ko dabonkama don, fen labennen tun don, bawo dogotorow y'a sementiya ko bana fosi t'u la min be se k'u bila nin njogon njuguya wale la. Sariyatigilamogow y'u ka kiiritige n'u saba bee fagali ye ani tama kelen sarali y'u fe.

Basiriki TURE

Oromano MATE, naniya yere ye fənba ye.

San 2000, utikalo tile 12, Mali Samatasəgew labənbaga kura Oromano MATE ni kunnafonidilaw ye nəgən baro Mali ntolatankow nənabəsoba «FMF» la.

Italika min nana Mali samatasəgew degelikama, k'ulaben kojumansanni san 2002 KUPUDAFIRIKI ka damine an bara, n'o ye Oromano MATE ye, feere min b'a kono, an ka denmisənw labənni siratige la, a y'o da kəne kan, k'a bənəgən na. Kunnafonidilaw k'a ka kərəfə jelenw donna bəe dusukun na. A ka kuma ye bəe kun minə.

Oromano k'ale ka jamanaden minnu bə na «anterenəriya» baara la Afiriki jamanaw kono wari dərən nəfə, olu te degebagə yərewolow ye, labənbaga faamuyalenw te, warjininaw dərən don. Oromano MATE ko Itali kono, məgo minnu ka baara ye «anterenəriya» ye, n'ufaamuyalendon a la kosebə, olu bə nafolo min səro u bara, u t'o jaga səro Afiriki yəro si. U sara b'u n'ka denbaya dahirime bəfə k'a to to. Ale Oromano MATE ma bo Itali ka na Mali la nafoloni kama, a nan'a nikanko də de waleyali la, n'o y'a ka dənniya ni faamuya fan do tilali y'a ni Afiriki jamana do ni nəgən cə, balontankow sira kan.

A y'a səmentiya k'a nadon nəkərə, Itali tən də n'o ye «Zuwəntisi De Tiren» ye, o kuntigi ye bənkan dən'n'a fə, walasa a kana na Mali la, a ka təmə n'a ka baara kərəy'ukərefə. Oromano MATE ma sən k'a bolonə bila o bənkənsəben na, k'a səro a b'a dən fana k'a da ka d'a la nafoloko sira kan. Itali yərewolo ko min b'ale ni kan, an bə don min na, i kəbi, o ye ka kə Mali samatasəgew degebagə kura ye.

Malintolatankow nənabəjekulu «FMF» bolo falen don ale la cogo min na, samatasəgew labənni sira kan san 2002 KUPUDAFIRIKI kadara kono, o te dənnin ye. Baara gəlen don. Baara nafama don, min dogolen t'a yere la. Nka ni fən o fən ka di hadamaden ye, a bə don o dəfə, k'a səro a ma jəre, a ma siran. Oromano ko Samatasəgew ka nətaa y'ale de fələ ka kunnawolo


ye, a bən'a seko damajira kə min baara la, walasa a k'a togoduman səro. Ola, samatasəgew ka wasako n'u ka kunkorotako bəe y'ale Oromano MATE ta ye.

Oromano ko ni Ala sənna, a bəna yəlema nafama don Mali bolontankow la ni feere bolodalen naani naniya sirilen ye : Mali yere anterenəriya ka kan ka labən kojuman fələ, ka faamuyaba d'u ma u ka baara la; o kə, a b'a nəsin jamana balontannaw ma, minnu bə k'u jeniyərə fin kəkan; min bə d'okan, oye ka jamana ekipu nasənali do labən ni balontannaw ye, minnu sigilen don Mali kono. A k'a bən'olu ni tungafətaalaw bila nəgən na, k'olu numanw latomə, minnu ka kan ka Mali jənjən kərətə Farasikanfəlaw kəkunben kəne kansan 2001 Kanada jamana kono. Mali ntolatankow nənəbə jekulu «FMF» kuntigi Amadu JAKITE y'ejama lədənniya ko Oromano MATE sera Bamako yəro min na, a taar'a nəda ekipu kelen-kelen bəe ka degelikənə kan. An ka anterenəriya ka baara m'a diya kosebə. A ye fijə caman y'u ka labəncogow la, o kəson a y'a nini ka dəgəkun kelen kalan k'olu kun, o kə məgo minnu bə an ka jəlakanabagaw (goliw) labən, a bə tile 10 kalan k'olu fana kun.

A jirala ko san 2000, setənburukalo tile fələ, Oromano MATE bəna taa Mali ntolatannaw laje, minnu təgə dir'a ma «FMF» fə, n'u bə k'u jeniyərə fin Erəpu ekipuw la. N'a seginn'o la, setənburukalo tile 15, a bəna ekipu nasənali kura sigi senkan ni Mali tənw balontanna numanw ye, minnu bəna badenya kubən dəw kə ni Farajəla taw ye.

Sanni faransikanfəlaw ka Kanada kubənba cə, Oromano MATE k'a bəna teriya ntolatan kubən caman labən ni jamana wərew ye, walasa samatasəgew k'u fanga dən, ka d'u yere la.

San 2001, nowənburukalo la, n'o bə ben kalo fila dərən ma sənni san 2002 KUPUDAFIRIKI ka damine, Oromano MATE ko Mali bəna jamana



Mali Samatasəgew labənbaga kura Oromano MATE

duuru (5) ekipu nənaw wele badenya kubənwa, minnu bəna ye san 2002 kənəw kan an bara. Amadu JAKITE y'an lədənniya ko goferənamən y'a kan d'a ma o wale tiimeli kojuman na, wa wele bilala jamana dəw yere ma k'a ban o ntolatanw kadara kono.

Malintolatankow nənabəjekulu «FMF» kuntigi Amadu JAKITE y'a nənifangaso ni malidenw bəe fə k'an k'an jija Oromano kana n'a da to an na. A y'a nən'an fə a mago bə dəmə o dəmə la, a naniya numan in waleyali siratige la, Oromano MATE kana dəsə o dəmə la an bolo. Amadu JAKITE k'a dalen don a la, ko n'an m'a tijə an yere ma, Samatasəgew na se ka bə Oromano MATE nunma, bawo balontan dənniya min b'a la, o te dənnin ye.

An bə se ka min fə Oromano MATE ka ko la fələ, a kumakan ka di, a bə don məgo la, bawo foyi t'a da ni dususuma kumaw te. N'a ka fətaw n'a ka kətaw ye nəgən sorəwaati min na cəbəkənəw kan an bara, an na d'a ka dənniya la o don.

Naniya numan min bə Oromano MATE la ka nəsin samatasəgew labənni n'u ka nəsəro ma, Ala kan'o kə naniya lənkələn ye ! Ala k'a tiimeli kojuman d'a ma ! Ala kan'a ka səgen kə fu ye ! Oromano MATE, malidenw bəe k'i bisimila kabin'i ma se ! I bor'i ka so, i nan'i ka so !

Basiriki TURE

SEWOBE ye KUPUDIMALI negeba yalon



Karidon, san 2000, utikalotile 13, Mali ntolatan ekipuba fila ye cogs n'gouye «KUPUDIMALI» nana sugandili kene kan, Bamako farikolo ne jeyorola, min togo dalen don jamana peresidan folo Modibo KEYITA la.

«KUPUDIMALI» tanko 40 nan tun be «Esitadi» ni «Sewobe» ce.

Kabini finali ntola jaratigebaga Sidi Bekayi MAGASA ye files fiye fo ka se kuwaba sanga 68 nan ma, Esitadi tun be Sewobe disi kan. Esitadi hanaw ye kene fan bee tige Sewobe denmisewna. Balon mana tan cogo o cogo, balon mana bo fan o fan fe, Esitadi funankeninw de folo b'a sor, k'a k'u sago ye fo ka t'a tige yoro min na.

Daga bëna bo Sewobe da la, u ka binékenenin dô de sababu la, n'o ye Bakari Sidiki KEYITA ye. A ye balon numannin folo min sor le kelen ni ko temen, a ye Esitadi jo lakanabaga Bubakari KEYITA bo a ja kan n'o ye, bawo a y'a dasi a kun, fo a y'i yere nini. O bagabagali de bëna ke Sewobe ka siri foninen ye, ka lafiyanin d'u ma.

Esitadi ntolatannaw y'u sigi cogo min na Sewobe jeda la, a kera bee nena ko sega mana dadigi Sewobe denmisewna, Esitadi b'u ka ke ci jemintin ye. Dusu min tun be Sewobe balontannaw o yefanga kura d'u ma, min ye bee fil'ma, sanko Esitadi

cogs minnu tun dalen don u yere la kojugu. Sewobe Jibirili SAKO nana balon dôsô, a ye min baadebe walon Esitadi jo kono, nka Ala ye jo lakanabaga kunnadiya, bawo a sera k'o ntola labo kënema. O n'goni na, Bakari Sidiki KEYITA ni Dawuda JAKITE ye balon numan saba cogs minnu kelen-kelen bee tun be se ka ke bi ye.

Balontan bëna sanga 81 nan cogs

waati min na, Bakari Sidiki KEYITA ye balon dô kunben n'a disi ye, k'a lajigin duguma, o ko k'o kerun a ka kapitèni Amadu JARE ma. Amadu JARE y'a hakili sigi i ko tigatulu ka Esitadi goli (jo lakanabaga) Bubakari KEYITA bolibaato kunben. O ser'a ma m'c'ya min na, a ye balon ce k'a b'a koro, k'a fillisula, ka ntola walon esitadi jo lankolon kono.

Don nana yelema namakoro. Sewobe y'e Jofolo ka cedenw lajo, ka kene tige u la, k'u sama fo'k'u nen lase u disima. Esitadi bidonnaw mandi fila, n'o ye Buramabilen ni Mamadu KANTE ye, olu y'a da tulu ro, k'a da jaba ro ka dese. Sewobe y'u mine kolikoli, i b'a fo kabini Ala y'u da u sen ma se balon ma. Sewobe hanaw ya Esitadi ka baara jigin nin cogo la ni sonja binin kelenpe ye, k'u ka ton cogt seben KUPUDIMALI taariku kono. Sewobe ekipu dilanna a be san 40 bâ, nka nin y'a siye fo'ye, a ka KUPUDIMALI negeba yalon. Ala dan ka nin ke Sewobe ye.

Basiriki TURE

TULON

Nin desen fila dilanbaga y'a dab'a kama, ka fili 10 k'u la. A'y'olu nini.



jaaibi:

1 - Taafre ja. 2 - ja min be barama datigulan kan. 3 - Palan ja min be unnamate. 4 - Kusigl turukalaw. 5 - Filantere. 6 - Muso bolokala. 7 - Muso kanakala. 8 - Tasumame minnu be duguma. 9 - Jirituhin min be dogodogo la kinine. 10 - Kogo perendea.

San 2002 KUPUDAFIRIKI baaraw tiimeli

A jirala don min na ko Afiriki ntolatankow nənabō jekulu «KAFU» ye Mali yamaruya san 2002 KUPUDAFIRIKI kubənw labənni na, malidenw bəe ko Taare!

Farafinna tulonba in labənni kadara kono, san 1998, zuwenkalo tile 6, Mali peresidan Alifa Umaru KONARE yere ye san 2002 KUPUDAFIRIKI jekulu kərenkerənnen kuntigi sugandi, n'o ye Sori Ibarahima MAKANGILE ye. San 2002 KUPUDAFIRIKI jekulu min təgo ko : «KOKANI», o ye məgəw ye, minnu bolo bora faso baara təw bəe la, k'u nəsin KUPUDAFIRIKI baaraw dərən ma, Sori Ibarahima MAKANGILE ka nəməgəya kono.

Hakilijigin na, MAKANGILE y'a jira ko wele bilal'ale ma peresidan fe, nk'o koro te ko san 2002 KUPUDAFIRIKI labənni y'ale kelen dərən kunko ye. O dekama, a'y'a nini malidenw bəe fe an ka «KOKANI» deme san 2002 baara in na, min te farikolojənajeko baara dərənye, jamana mumə bəe ka yiriwali ni netaa baara fana don.

Nəgəndan do kera KUPUDAFIRIKI konenabo jekulu «KOKANI» fe, san 1998, utikalo tile 22, ka duguw sugandi o senfe, san 2002 KUPUDAFIRIKI ka kan ka tan minnu kono. O dugu latomenew kera Sikaso ni Moti ni Bamako ni Segu ni Kayi ye.

Nka kabini san 1998 waati la fo san 2000, utikalo la, ta ma bo, sisi ma bo, san 2002 Kupudafirikiko la jamana mara sugandilenw nəməgəw ni «KOKANI» taw yoro. Sumaya min donna baarawla, o ye bəe farifaga, ka malidenw bəe dusu jiranjiran.

Jamana yere sərəko gelyea nana məgəw ka hami ni jore juguya san 2002 KUPUDAFIRIKI labənniko la.

San 2000, utikalo dəgəkun fələ laban na, nəgənye do kera Bamako, mara nəməgəw ni məriw fe san 2002 KUPUDAFIRIKI bəna tan minnu ka yoro la, ka fara «KOKANI» nəməgəw kan. A kera hakilifalen ni kunnafonidi



«KOKANI» kuntigi

Sori Ibarahima MAKANGILE

tonsigi ye baara bolodalenw tiimeli kan, min senfe «KOKANI» kuntigi Sori Ibarahima MAKANGILE y'a jeya bəe ma, ka nəgəb'a la, ko ni Ala sonna san 2002 KUPUDAFIRIKI bəna tan Mali la w'an ni jamana wəre təna je a labənw na, in'a fo Gana ni Nizeriya y'a ke cogo min na.

Walasa k'an dusu suma «KOKANI» kuntigi y'an la dənniya ko Sinuwajamana ciyakedabədə, n'a təgo ko «KOWEKI», k'o y'a bolo di Mali ma san 2002 kubənw baara caman waleyali la, i n'a fo Bamako farikolojənajeyərə kura joli ni Kayi ni Segu pankurunjiginyorə dilanni. A jirala k'u ye sefawari miliyari 25 labila o baaraw kama k'a ban. Faransi ciyakəda do bən'a nəsin Kuranko labənni ma ni sefawari miliyari 3 deme ye. Sori Ibarahima MAKANGILE ko halisa benkan wərew bə senna Mali n'a demebaga wərew ni nəgən ce a baara feəre sirilenw waleyali sira kan. Min ye maraw yere nəniya ye, Moti ye sefawari miliyən 63 ni tila dalaje k'a ban. Kalo 17 nataw kono, motikaw b'a fe ka sefawari miliyən 80 far'o kan. Sannisan 2000, okutoburukaloce, Moti mara nəməgəba Basidi KULUBALIK'u

bəna ntolatannaw ka faribənəgənna kənew labən.

Segu mara kuntigi Bubakari BA k'olu y'a damine ni dugu bəsəya walew ye, nk'a y'a nini segukaw bəe fe, u k'u cəsiri, k'unjaniya jira, k'usekodamajira ke u ka mara kunkorota ni sankorota baaraw la, bawo san 2002 KUPUDAFIRIKI ye fadenyakominye, məgo si man kan ka to kə a walew la. Bamako kafokuntigiba Sumayila SISE y'a jira ko dərome ma dalaje a ka kafo fe fəlo, nka ni Ala sonna Bamako təna tokəsan 2002 KUPUDAFIRIKI baaraw la.

«KOKANI» yere y'a jira k'a bən'a seko ke yorəw dəməni na, gelyea bə minnu na ni sefawari miliyari 2 ni tila nəgənna hake ye.

Ajirala kədegelikənəw labənni baaraw dəminəna dugu bəe kono, ntolatanw bəna ke minnu kono.

Sori Ibarahima MAKANGILE ye nəgənye kunce ni kunnafoni dumanba də ye, n'o ye Bamako farikolojənajeyərə kura banni ye sooni, san 2002 tulon girinmanyorəw bəna ke min kono. A ye məgəw hakili lasigi ni kərəfəkan min ye, o ye ko Mali təkəsan 2002 KUPUDAFIRIKI baaraw labənni na. A ko ni Ala sonna baaraw bəe bə ban ka bən ni cəbəw ye.

Basiriki TURE

"AMAP" kuntigi

Gawusu DARABO

Mali kanw kunnafonisebenw

baarada kuntigi

Nanze Samake

Kibaru

BP : 24 Telefon: 21-21-04

Kibaru Bugufiye Bozola

Bamako -Mali

Dilanbagaw ni sebenbagaw kuntigi

Basiriki Ture

Sebenbagaw kuntigi

Badama Dukure

Labugunyərə: Kibaru gafedilan baarada

Bolen Hake 16 000